



Universitätsbibliothek Paderborn

**Svmma Totivs Theologiæ S. Thomæ Aqvinatis, Doctoris
Angelici Ordinis Prædicatorum**

Tertiæ Partis Volumen Secundum

Thomas <von Aquin, Heiliger>

Romae, 1619

Vtru[m] hoc sit grauissimum omnium peccatorum? 5

urn:nbn:de:hbz:466:1-38725

quia ipsa ignorantia est ei peccatum. Alio modo potest contingere sine culpa ipsius: puta cum do-
luit de peccato, sed non est sufficienter contritus.
Et in tali casu non peccat sumendo corpus Chri-
sti: quia homo per certitudinem scire non potest,
verum sit verè contritus. Sufficit enim, si in se
signa contritionis inueniat, puta si dolcat de præ-
teritis, & proponat cauere de futuris. Si vero igno-
rat hoc quod fecit, esse actum peccati, propter
ignorantiam facti, quæ excusat (puta si accessit ad
non suam, quam credebat esse suam) non est ex hoc
dicendus peccator. Similiter etiam si totaliter est
peccatum oblitus, sufficit ad eius deletionem gene-
ralis contrito, ut infra dicetur *. Vnde iam non est
Non tōple
uit morte
pranetus.

ARTIC. V.

*Vtrum accedere ad hoc sacramentum cum con-
scientia peccati, sit grauissimum
omnium peccatorum?*

482. 4. d. 9. ar. 3. q. 3. c. 1. Co. 10. 2e, 15. co. 3. *gl. interl.* *ibi. in sen-*
tentia. **A**D quintum sic proceditur. Videtur, quod ac-
cedere ad hoc sacramentum cum conscientia
peccati, sit grauissimum omnium peccatorum. Di-
cit enim Apostolus primæ ad Corinth. 11. Quicum-
que manducauerit panem, & biberit calicem Do-
mini indignè, reus erit corporis & sanguinis Do-
mini. glos. ibidem *, Hoc est, ac si Christum oc-
ciderit, punietur. Sed peccatum Christum occiden-
tium, videtur suisse grauissimum. Ergo & hoc
peccatum, quo aliquis cum conscientia peccati
ad mensam Christi accedit, videtur esse grau-
issimum.

* Q 2 Præterea, Hieronym. dicit in quadam epist. Quid tibi cum sc̄minis, qui ad altare cum Deo fabu-
laris? dic sacerdos, dic clerice, qualiter eisdem la-
bijs filium Dei oscularis, quibus osculatus es labia
meretricis. Cum Iuda, oculo Pilium hominis tradis.
Et sic videtur fornicator ad mensam Christi acce-
dens peccare, sicut Iudas peccauit, cuius peccatum
fuit

fuit grauissimum. Sed multa alia peccata sunt grauiora quām peccatum fornicationis, & præcipue, peccatum infidelitatis. Ergo cuiuslibet peccatoris ad mensam Christi accedentis peccatum est grauissimum.

¶ 3 Præterea, Magis est abominabilis Deo immunditia spiritualis, quām corporalis. Sed si quis proijceret corpus Christi in lutum, vel sterquilinum, grauissimum reputaretur eius peccatum. Ergo grauius peccat, si ipsum sumat cum peccato: quod est immunditia spiritualis. Ergo hoc peccatum est grauissimum.

SED contra est, quod super illud Ioan. 15. Si non venissem, & locutus eis non fuisset, peccatum non haberent, dicit August. * hoc intelligendum esse de peccato infidelitatis, quo tenentur cuncta peccata. Et ita videtur, hoc peccatum non esse grauissimum, sed magis peccatum infidelitatis.

R E S P O N D E O dicendum, quod (sicut in secunda parte dictum est *) dupliciter aliquod peccatum potest dici grauius alio. Vno modo per se: alio modo per accidens. Per se quidem secundum rationem suæ speciei, quæ attenditur ex parte obiecti. Et secundum hoc, quantò id contra quod peccatur, est maius, tanto peccatum est grauius. Et quia diuinitas Christi est maior humanitate ipsius, & ipsa humanitas est potior quām sacramenta humanitatis: inde est quod grauissima peccata sunt, quæ committuntur in ipsam diuinitatem: sicut est peccatum infidelitatis & blasphemiarum. Secundario autem sunt grauia peccata, quæ committuntur in humanitatem Christi. Vnde & Matthæi 12. dicitur, Qui dixerit verbum contra Filium hominis, remittetur ei: qui autem dixerit verbum contra Spiritum sanctum, non remittetur ei, neque in hoc seculo, neque in futuro. Tertio autem loco sunt peccata, quæ committuntur contra sacramenta, quæ pertinent ad humanitatem Christi. Et post hæc sunt alia peccata contra pu-

tra. 89. 5
Io. a. inter
med. C.
prin. to. 9

1. 2. q. 73
a. 6. et 2.
2. q. 73. 4.
3.

ras creaturas. Per accidens autem vnum peccatum est grauius alio ex parte peccantis: puta, peccatum quod est ex ignorâcia vel infirmitate, est leuius peccato quod est ex contemptu, vel ex certa scientia. Et eadem ratio est de alijs circumstantijs. Et secundum hoc, istud peccatum in quibusdam potest esse grauius: sicut in his qui ex actuali contemptu, cum conscientia peccati ad hoc sacramentum accedunt. In quibusdam vero minus graue: puta in his qui ex quodam timore, ne reprehendantur in peccato, cum conscientia peccati ad hoc sacramentum accedunt. Sic ergo patet quod hoc peccatum est multis alijs grauius secundum suam speciem: non tamen est omnium grauissimum.

Ad primum ergo dicendum, quod peccatum indignè sumentum hoc sacramentum, comparatur peccato occidentium Christum, secundū similitudinem (quia utrumque committitur contra corpus Christi) non tamen secundum criminis quantitatem. Peccatum enim occidentium Christum, fuit multo grauius. Primo quidem, quia illud peccatum fuit contra corpus Christi in specie propria: hoc autem peccatum est contra corpus Christi, in specie sacramenti. Secundo, quia illud peccatum processit ex intentione nocendi Christo, non autem hoc peccatum.

Ad secundum dicendum, quod fornicator accipiens corpus Christi, comparatur lude Christum osculant, quantum ad similitudinem criminis (quia uterque ex signo charitatis Christum offendit) non tamen quantum ad criminis quantitatē: sicut etiam prius dictum est *. Hæc tamen criminis similitudo non minus competit alijs peccatoribus, quam fornicatoribus. Nam & per alia peccata mortalia agitur contra charitatem Christi, cuius signum est hoc sacramentum; & tanto magis, quanto peccata sunt grauiora. Secundum quid tamen peccatum fornicationis magis reddit hominem ineptum ad perceptionem huius sacramenti: in quantum scilicet per

*In soluta
præced.*

per hoc peccatum spiritus maximè carni subiicitur, & ira impeditur feroor dilectionis, qui requiritur in hoc sacramento. Plus tamen ponderat impedimentū ipsius charitatis, quām feruoris eius. Vnde & peccatum infidelitatis, quod funditus separat hominem ab Ecclesiæ unitate, simpliciter loquendo, maximè hominem ineptum reddit ad susceptionem huius sacramenti, quod est sacramentum ecclesiasticæ unitatis, ut supra dictum est *. Vnde & grauius peccat infidelis accipiens hoc sacramentum, quām fidelis peccator : & magis contemnit Christum, secundum quod est sub hoc sacramento, præsertim si non credat Christum verè sub hoc sacramento esse: quia quantum est in se, diminuit sanctitatem huius sacramenti, & virtutem Christi operantis in hoc sacramento; quod est contemnere ipsum sacramentum in seipso. Fidelis autem, qui cum conscientia peccati sumit, contemnit hoc sacramentum, non in seipso, sed quantū ad usum, indignè accipiens. Vnde & Apostolus 1. Corint. 11. assignans rationem huius peccati dicit, Non dijudicans corpus Domini, id est, non discernens ipsum ab alijs cibis: quod maximè facit ille, qui non credit Christum esse sub hoc sacramento.

q. 79. z. 1.

C. q. 73.

a. 4. 50.

Ad tertium dicendum, quod ille qui proijceret hoc sacramentum in lutum, multo grauius peccaret, quām ille qui cum conscientia peccati mortalis ad hoc sacramentum accedit. Primo quidem, quia ille hoc facheret ex intentione iniuriam faciendi huic sacramento, quod non intendit peccator indignè corpus Christi accipiens. Secundo, quia homo peccator est capax gratia, vnde etiam magis est aptus ad suscipiendum hoc sacramentum, quām quæcumque alia irrationalis creatura. Vnde maximè inordinate viceretur hoc sacramento, qui proijceret ipsum canibus ad manducandum, vel qui proijceret in lutum conculcandum.